



Univerzitet u Travniku

VODIČ

KROZ FAKULTETE UNIVERZITETA

Osiguranje kvaliteta i priznatost dosadašnjeg rada
ovjereni su pečatom Akreditacije!

Januar 2019.



Sadržaj

Univerzitet u Travniku.....	4
Akreditacija Univerziteta.....	8
Fakultet za menadžment i poslovnu ekonomiju.....	10
Pravni fakultet.....	14
Edukacijski fakultet.....	18
Fakultet za tehničke studije.....	22
Farmaceutsko-zdravstveni fakultet.....	26
Opće informacije za studente.....	30
Značenje izraza.....	33

Univerzitet u Travniku

Aleja konzula br. 5
72270 Travnik
Bosna i Hercegovina

+387 30 541 062
unt@fmpe.edu.ba
www.unt.ba



Univerzitet u Travniku

Univerzitet u Travniku (UNT) je prvi i najstariji privatni univerzitet na području Srednjobosanskog kantona. Osnovan je na temelju aktuelnih zakonskih propisa i uz podršku Ministarstva obrazovanja, nauke, kulture i sporta Srednjobosanskog kantona. Svoje aktivnosti i djelovanje Univerzitet u Travniku započinje 2006. godine osnivanjem i utemeljenjem Fakulteta, koji se i danas nalaze u njegovom sastavu. U septembru 2010. godine Univerzitet je okončao proces integracije, čime je postao jedna od rijetkih visokoškolskih ustanova koja je uspjela odgovoriti zakonskim odredbama u oblasti visokog obrazovanja u BiH.

U sastavu Univerziteta u Travniku djeluju sljedeći fakulteti – Organizacione jedinice:

- Fakultet za menadžment i poslovnu ekonomiju,
- Pravni fakultet,
- Edukacijski fakultet,
- Fakultet za tehničke studije,
- Farmaceutsko zdravstveni fakultet.



Univerzitet u Travniku ima za cilj da, uz visoke kriterije i standarde koji važe za studije u skladu sa odredbama Bolonjske deklaracije, osigura efikasno obrazovanje i izuzetno visok nivo kvaliteta nastave i nastavnog procesa, provođenje naučnih istraživanja, educiranje mladih i njihovo uključenje u nastavu i istraživanja, podsticanje mobilnosti te prijenos znanja i tehnologija na privredu i društvo općenito.

Shodno tome, studentima su omogućeni najsavremeniji uslovi školovanja u novim, funkcionalno opremljenim objektima u Travniku i Kiseljaku, učionice sa modernim učilima, amfiteatri, sale sa internet konekcijom, biblioteke, čitaonice, studentske kantine i restorani, prostorije za rekreaciju i dr. Univerzitet u Travniku osigurava dovoljan broj visokostručnog nastavnog kadra, stručnjaka iz različitih naučnih oblasti. Administrativne i druge službe Univerziteta, kao sastavni dio uspješne realizacije osnovne obrazovne djelatnosti, su uvijek dostupne studentima i akademskom osoblju.

Naučnoistraživački i istraživački rad je temelj za kvalitet nastave na Univerzitetu i njena je neodvojiva cjelina te predstavlja temeljno pravo i obavezu akademskog osoblja.



Univerzitet u Travniku je dobitnik prestižnog priznanja i Plakete za najbolji univerzitet u Bosni i Hercegovini

S ciljem unapređenja kvaliteta studija i internacionalizacije Univerziteta, u okviru njegove djelatnosti posebno se razvijaju i koordiniraju aktivnosti međunarodne saradnje s partnerskim univerzitetima u svijetu, institucijama i organizacijama čija je aktivnost u vezi sa visokim obrazovanjem i istraživanjem. U kontekstu toga, Univerzitet uspostavlja bilateralne sporazume i uključuje se u međunarodne projekte iz oblasti visokog obrazovanja i istraživanja te promovira sve aspekte mobilnosti.

Pored obrazovnog procesa, Univerzitet uspostavlja saradnju sa javnim ustanovama i institucijama, privrednim subjektima, lokalnim zajednicama, društvenim, kulturnim i sportskim udruženjima i slično. Upravo savremeni obrazovni sadržaji i studijski programi koji se izučavaju na Fakultetima i ispunjavaju zahtjeve Bolonjskog procesa, osnovni su razlozi ukazanog povjerenja od strane velikog broja studenata.



Studentske sportske igre



Koncert Univerzitetskog benda



Interkulturalno veče



Humanitarni projekti studenata

Studentima Univerziteta u Travniku ponuđena su tri studijska ciklusa, i to:

- Prvi ciklus studija (dodiplomski studij),
- Drugi ciklus studija (magistarski studij),
- Treći ciklus studija (doktorski studij).

Sva tri navedena studijska ciklusa izvode se u kontinuitetu i artikuliraju se kao cjelovit i zaokružen obrazovni proces. Studijski programi prate savremene naučne trendove i naučna saznanja i u cijelosti su prilagođeni aktuelnim kretanjima na tržištima rada.

Univerzitet u Travniku je dinamična institucija koja sistematski i organizirano podstiče mobilnost i razvijanje istraživačke karijere s jedne strane te omogućava izražavanje talenta i radne energije svakog pojedinca ponaosob, s druge strane.



*Buduće studentice i budući studenti,
ukoliko se odlučite za studij na jednom od naših Fakulteta,
sigurni smo da ćemo ispuniti sva vaša očekivanja.*

Akreditacija Univerziteta

Univerzitet u Travniku, u svojoj misiji, opredijeljen je za osiguranje i razvoj kvaliteta visokog obrazovanja na svim Organizacionim jedinicama Univerziteta. Na vrlo jedinstven i unikatan način uspostavljen je sistem za osiguranje i unapređenje kvaliteta čiji je osnovni princip timski rad. Menadžment Univerziteta je kompletan koncept ostvarivanja djelatnosti visokog obrazovanja prilagodio studentima, njihovim potrebama i očekivanjima, čime je student u ostvarivanju svih djelatnosti unutar prostora visokog obrazovanja ravnopravan partner i posmatra se kao učesnik u procesu obrazovanja na visokoškolskoj ustanovi sa interaktivnim učešćem u svim područjima rada i djelovanja visokoškolske ustanove. Student je u centru dešavanja svih aktivnosti i uspostavljaju se povratne veze u procesu koji za sve učesnike ima jedan cilj – unaprijediti prostor visokog obrazovanja. Studenti su uključeni u procese odlučivanja preko svojih predstavnika u Tijelima Univerziteta i imaju ravnopravan status u odnosu na ostale članove koji su u sastavu tih Tijela.

Shodno propisanim procedurama, Univerzitet u Travniku je okončao postupak eksterne evaluacije. Komisija domaćih i međunarodnih stručnjaka za ocjenjivanje i reviziju kvalitete davanja preporuka o akreditaciji Univerziteta u Travniku, utvrdila je da isti ispunjava uvjete za punu akreditaciju i, shodno tome, dala je mišljenje i preporuku za njegovu akreditaciju.



*Posjeta komisije
Edukacijskom fakultetu*



*Posjeta Komisije
Fakultetu za tehničke studije*

Univerzitet u Travniku, u postupku akreditacije, pokazao je potpunu dominaciju u prezentaciji ispunjenosti kriterija koji su bili predmet eksterne evaluacije. Fizički i ljudski resursi stavljeni u funkciju realizacije kvalitetnih nastavnih planova i programa studijskih programa i uspostavljenih procedura koje za cilj imaju obrazovanje budućih stručnjaka iz oblasti koje se izučavaju na Univerzitetu, prezentirani su u duhu transparentnosti i otvorenosti prema javnosti.

Odbor za kvalitet na nivou Univerziteta, koji je prezentiran sa ukupno 80 članova, podijeljenih u 11 timova, pokazao je zavidan sistem organizacije, usklađenosti i jedinstvenog modaliteta koji je zastupljen na Organizacionim jedinicama.

Preporuka Komisije za akreditaciju Univerziteta je potvrdila rezultate samoevaluacije i prisutan trend porasta upisa studenata na Univerzitet u Travniku, što jasno pokazuje da je Univerzitet u Travniku postao prepoznatljiva ustanova visokog obrazovanja koja se etablira u akademskoj zajednici Bosne i Hercegovine.



*Posjeta komisije
Farmaceutsko zdravstvenom fakultetu*



*Posjeta Komisije
Pravnom fakultetu*



*Posjeta Komisije
Fakultetu za menadžment i poslovnu
ekonomiju*



*Članovi Komisije sa
menadžmentom Univerziteta*

Fakultet za menadžment i poslovnu ekonomiju

Azapovići 439.
71250 Kiseljak
Bosna i Hercegovina

+387 30 878 045
studentska@fmpe.edu.ba
www.fmpe.edu.ba



Fakultet za menadžment i poslovnu ekonomiju

Fakultet za menadžment i poslovnu ekonomiju Univerziteta u Travniku je prvi privatni fakultet na prostoru Srednjobosanskog kantona, koji je osnovan 2006. godine, a danas predstavlja najveći privatni fakultet u Bosni i Hercegovini. Misija Fakulteta je da pripremi univerzitetski kvalifikovane ekonomiste i menadžere za buduću karijeru tokom koje će biti sposobni da kao lideri u organizacijama daju značajan i trajan doprinos razvoju savremenog društva. Cilj Fakulteta je da se budućoj poslovnoj eliti Bosne i Hercegovine i regiona obezbijede savremena znanja putem metoda i tehnika koje se primjenjuju u univerzitetskim centrima evropskih zemalja.



Fakultet za menadžment i poslovnu ekonomiju je savršen spoj profesionalnog, modernog i priznatog obrazovanja i usavršavanja s ciljem sigurnog postizanja uspjeha te napredovanja u poslovanju i karijeri, jer je FMPE najsavremeniji koncept obrazovanja. Nastavni planovi i programi su usklađeni sa principima Bolonjske deklaracije, uvođenjem evropskog sistema prijenosa bodova i usklađeni su sa potrebama tržišta rada.

Organizacija studija

Fakultet za menadžment i poslovnu ekonomiju organizuje akademske studije prema principima Bolonjske deklaracije za sva tri ciklusa studija. Studijski programi su koncipirani na način da se, uz potrebna teorijska znanja, stječu i neophodna praktična znanja i vještine.

Prvi (I) ciklus - dodiplomski studij traje tri ili četiri godine i realizuje se kroz 6 studijskih smjerova:

- Opći menadžment (3+2);
 - Menadžment u bankarstvu i osiguranju (3+2);
 - Poslovna ekonomija (3+2 i 4+1);
 - Menadžment u turizmu i ugostiteljstvu (3+2);
 - Poslovna informatika (3+2);
 - Poslovna psihologija (3+2);
- (180 ili 240 ECTS kredita).

Nakon završenog studija, student stječe zvanje bachelor (bakalaureat), sa naznakom uže naučne oblasti.



Drugi (II) ciklus - postdiplomski studij/master studij traje jednu ili dvije godine, a student je u mogućnosti da bira jedan od četiri studijska smjera - Opći menadžment, Finansijski menadžment, Poslovna ekonomija i Poslovna psihologija (60 ili 120 ECTS kredita).

Nakon završenog drugog ciklusa student stječe zvanje magistar ekonomije, sa naznakom uže naučne oblasti.

Treći (III) ciklus - doktorski studij traje tri godine, a organizuje se na studijskim smjerovima:

-Opći menadžment, Poslovna ekonomija, Kvantitativna ekonomija i Poslovna psihologija (180 ECTS kredita).

Nakon završenog trećeg ciklusa studija, student stječe zvanje doktor ekonomskih nauka, sa naznakom uže naučne oblasti.

Osobnosti fakulteta

Novi objekat Fakulteta smješten je u neposrednoj blizini Sarajeva, svega 15 km udaljen od samog centra grada. Izgrađen je u skladu sa najvišim evropskim standardima i sadrži veliki broj učionica, amfiteatara, nastavničkih kabineta, računarski centar, veliki bibliotečki fond, čitaonicu, studentski restoran i brojne druge sadržaje.



Fakultet za menadžment i poslovnu ekonomiju posebno se ističe po: visokom stepenu interaktivne nastave podržane savremenom informacionom i audio-vizuelnom tehnologijom, učešću domaćih i stranih predavača u nastavnom procesu, radu u manjim grupama, mogućnostima stjecanja praktičnih znanja kroz saradnju sa velikim brojem privrednih i društvenih organizacija, saradnji sa visokoškolskim ustanovama u zemlji i inostranstvu, administraciji u službi studenata, itd. U fokusu svih aktivnosti su studenti kojima se pruža vrhunsko obrazovanje i kontinuitet u njihovom usavršavanju.



Fakultet organizuje naučnostručne simpozije s ciljem donošenja rješenja za aktualna ekonomska i privredna pitanja. Naučno-nastavno osoblje Fakulteta ima priliku da se bavi naučnim radom te svoje radove mogu objavljivati u indeksiranom časopisu „Univerzitetska hronika“.

Osim naučnih članaka, nastavnici i saradnici koji su angažovani u nastavnom procesu Fakulteta za menadžment i poslovnu ekonomiju, autori su mnogih udžbenika iz oblasti ekonomije, menadžmenta i organizacije te na taj način daju doprinos razvoju ekonomske misli.

Studenti, kao i naučno-nastavno osoblje, imaju priliku i da se uključe u rad Instituta za ekonomska istraživanja pri Fakultetu za menadžment i poslovnu ekonomiju te da, na taj način, daju doprinos razvoju ekonomske nauke.



Zbog velike zainteresovanosti studenata iz tuzlanske regije, od akademske 2016/2017. godine, Fakultet za menadžment i poslovnu ekonomiju izvodi nastavu i u odjeljenju u Tuzlanskom kantonu. Nastava se izvodi na svim smjerovima kao i za studente u odjeljenju u Kiseljaku.

Vaša budućnost – naš prioritet! Pridružite nam se!

Pravni fakultet

Azapovići 439.
71250 Kiseljak
Bosna i Hercegovina

+387 30 870 371
studentska@pfk.edu.ba
www.pfk.edu.ba



Pravni fakultet

Od svog osnivanja 2006. godine pa do danas, Pravni fakultet konstantno napreduje na polju inovacija u nastavno-naučnom procesu. Interdisciplinarni program studija je zasnovan na principima Bolonjskog procesa - I, II i III ciklusa studija, po European Credit Transfer System (ECTS). Akademska godina sastoji se od dva semestra (zimskog i ljetnog) i počinje u mjesecu oktobru. Za studij na Pravnom fakultetu Univerziteta u Travniku nije potrebno polagati prijemni ispit. S obzirom na to da Fakultet poštuje Bolonjske principe, a ti principi zahtijevaju da se za izvođenje nastave obezbijedi dovoljno prostora (u zavisnosti od ukupnog broja studenata) to je i učinjeno. Zgrada Fakulteta je nova, savremeno opremljena, sa svim pogodnostima, od prostranih, svijetlih učionica, tehničke opreme, kantine, obezbijeđenog parkinga pa do odlične biblioteke sa preko 6200 dostupnih knjiga i udžbenika. Fakultet raspolaže potrebnom informatičkom opremom koja je studentima dostupna u računarskoj učionici, sa pristupom internetu. Ovo ne predstavlja kraj ulaganja u ljudske i fizičke resurse, planirano je investiranje i u narednom periodu.



Organizacija studija

Nastava je interaktivnog karaktera i izvodi se prema Bolonjskim principima. Kroz komunikaciju na predavanjima i vježbama, dostupnost literature i informacija, na veoma jasan način studentu se prezentira materija. Nastavno osoblje čine eminentni stručnjaci u svojim oblastima, doktori nauka, magistri, diplomirani pravnici, bivši najbolji studenti svojih generacija, aktivni naučni radnici koji prate i učestvuju u naučnoistraživačkom radu putem brojnih konferencija, seminara, edukacija.

Studenti koji završe Pravni fakultet Univerziteta u Travniku postaju tražen kadar, koji se zapošljava širom Bosne i Hercegovine i inozemstva, a također nastavlja sa školovanjem na master studiju te na doktorskom studiju. Jedan od zadataka Fakulteta je da omogućiti studentima praksu, te zapošljavanje u toku i nakon studiranja.

Osim predavanja koje izvodi nastavno osoblje, Fakultet angažuje stručnjake iz privrede i prakse koji prenose praktična znanja i iskustva i na taj način omogućavaju studentima da se nakon završetka Fakulteta osposobe za primjenu stečenog znanja u praksi i studentske posjete institucijama koje su od ključnog značaja budućim pravnicima (Sud BiH, Tužilaštvo BiH, Kantonalni sudovi, kaznenopopravni zavodi, itd).



Ispiti se na Pravnom fakultetu Univerziteta u Travniku polažu u skladu sa Bolonjskim sistemom (kontinuirano ocjenjivanje- kolokvij, prisustvo, seminarski radovi, aktivnost) u predviđenim ispitnim terminima: januarsko-februarski, junsko-julski i septembarški.

Pravni fakultet primjenjuje modele studija 3+2 i 4+1, što iskazano ECTS bodovima iznosi da studenti nakon završenog ciklusa:

- dodiplomskog studija stječu zvanje bachelora sa prikupljenih 240 ECTS (4+1), odnosno 180 ECTS (3+2),
- postdiplomskog studija stječu zvanje magistra struke (uz naznaku uže naučne oblasti) sa prikupljenih 300 ECTS (240+60 i 180+120).

Fakultet nudi koncept "3+2+3" studiranja i "4+1+3" koncept studiranja, što podrazumijeva trogodišnje orijentirani program ili četverogodišnje orijentirani program sa četiri smjera. Student sa završene tri godine ima mogućnost odmah upisati Master program čije bi trajanje bilo 2 godine – 120 kredita (tri semestra nastave i četvrti semestar – izrada magistarskog rada). Master program mogu upisati i svi oni koji su završili četverogodišnji studij, s tim što se za ove studente Master studij organizuje u trajanju od 2 semestra (jedna godina) i nosi ukupno 60 ECTS bodova.



Na Pravnom fakultetu studij je organizovan na sljedeći način:

Dodiplomski studij (I ciklus studija) – sa sljedećim studijskim programima:

- Opće pravo (4+1+3);
- Međunarodno pravo i diplomatija (4+1+3);
- Poslovno pravo (3+2+3);
- Javna uprava (3+2+3).

Postdiplomski studij/master studij (II ciklus studija) organizira se po studijskim odsjecima: Opće pravo, Poslovno pravo i Javna uprava. Opći se sastoji iz devet užih naučnih oblasti: Građanskopravna, Javnopravna, Krivičnopravna, Poslovnopravna, Međunarodnopravna, Historijskopravna, Ekonomskopravna, Teorijskopravna i Komunitarna.

Postdiplomski/master studij traje jednu ili dvije godine, nakon čega se stječe zvanje magistra prava sa naznakom uže naučne oblasti.

Doktorski studij (III ciklus studija)

Na ovaj studij mogu se upisati kandidati koji imaju završen II ciklus studija iz oblasti pravnih nauka, kao i kandidati koji su završili isti na srodnim fakultetima, a koji su stekli tokom studija najmanje 300 ECTS.

Doktorski studij/ III ciklus studija organizuje se na smjeru Opće pravo koji se sastoji iz užih naučnih oblasti: Građansko pravo, Javno pravo, Krivično pravo, Poslovno pravo, Međunarodno pravo, Historija države i prava, Ekonomsko pravo, Evropsko pravo. Nastava se organizira i traje 3 godine za studente koji su stekli zvanje magistra (ili ekvivalent) sa 300 ECTS. Na osnovu Člana 6. Okvirnog zakona o visokom obrazovanju završetkom stepena trećeg ciklusa stječe se akademska titula i naučno zvanje doktora nauka za određenu naučnu oblast.



Rješenjem o ispunjenosti uslova za početak rada i obavljanja djelatnosti visokog obrazovanja br. 02/1-38-27453-2/16 vlada Tuzlanskog kantona je odobrila organizaciju isturenog odjeljenja Pravnog fakulteta Univerziteta u Travniku u Tuzlanskom kantonu koji je akademske 2017/2018 godine počeo sa izvođenjem nastave za prvu generaciju u dislociranom odjeljenju za sva tri ciklusa studija. Novi objekat, koji je sagrađen u skladu sa svjetskim standardima kvalitete da pruži vrhunski ambijent za sticanje pravničkih vještina i znanja, nalazi se u neposrednoj blizini Tuzle i Živinica, na adresi Maline bb, petnaestak minuta od centra Tuzle na središnjoj lokaciji u Tuzlanskom kantonu. Studentima je na raspolaganju nova zgrada sa modernim učionicama, kabinetima, amfiteatrima, prostorima za rad oba fakultetska dekanata i studentskih službi, i drugim pratećim sadržajima za rad fakulteta.

Ne za školu, već za život učimo! Non scholae, sed vitae discimus!

Edukacijski fakultet

Aleja konzula br. 5
72270 Travnik
Bosna i Hercegovina

+387 30 540 876
info@eft.ba
www.eft.ba



Edukacijski fakultet

Edukacijski fakultet djeluje u području visokog obrazovanja, nastavnog i naučnoistraživačkog rada u oblastima pedagogije, psihologije, matematike, informatike, kineziologije, lingvistike, književnosti, žurnalistike, menadžmenta u sportu, menadžmenta u obrazovanju i specijalnih namjena.

Utemeljen je s namjerom da u prostoru koji u svojoj višestoljetno dugoj povijesti nije imao autohtoni fakultet, stvara nove vrijednosti i zadovoljava potrebe društva za najvišim stepenom obrazovanja. Edukacijski fakultet pokretač je i nosilac značajnih promjena naročito u oblasti obrazovanja, sporta i kulture u gradu Travniku i Srednjobosanskom kantonu.

Osnovna polazišta Nastavnog plana i programa svih studijskih grupa proizlaze iz zahtjeva za inoviranjem po uzoru na srodne programe u Bosni i Hercegovini, susjednim zemljama i Evropskoj uniji te zahtjeva za zadovoljavanjem savremenih potreba u akademskom obrazovanju studenata.



Edukacijski fakultet osigurava savremeni koncept praćenja nastave i kontakta studenata s fakultetom sa udaljene lokacije. Instalirana Distance Learning softverska aplikacija omogućava studentima Edukacijskog fakulteta koji nisu fizički prisutni u tradicionalnom nastavnom okruženju da putem interneta i drugih savremenih informacionih tehnologija aktivno učestvuju u nastavnom procesu i razmjenjuju korisne informacije sa profesorima, asistentima, službama fakulteta i drugim studentima.

Edukacijski fakultet provodi i program instruktivne nastave iz pedagoško-psihološko-didaktičko-metodičke grupe predmeta za kandidate koji su završili srednju, višu ili visoku stručnu školu ili diplomirali na „nenastavničkim“ fakultetima i akademijama u zemlji i inozemstvu.

Organizacija studija

Prvi ciklus – diplomski studij:

- Pedagogija i psihologija	4 + 1;
- Predškolski odgoj	4 + 1;
- Razredna nastava	4 + 1;
- Matematika i informatika	4 + 1;
- Opća kineziologija (sport i tjelesni odgoj)	4 + 1;
- Novinarstvo	3 + 2;
- Sportski menadžment	3 + 2;
- Specijalne namjene (vojska, policija i zaštitari).	3 + 2;
- Personalni trener	3 + 2;
- Bosanski jezik i književnost	4 + 1.

Prvi ciklus – diplomski studij završava odbranom završnog rada, nakon čega kandidat stječe zvanje bachelor – 180 ECTS ili 240 ECTS uz dodatak naziva uže naučne oblasti/studijskog programa.



Drugi ciklus – postdiplomski studij:

- Bosanski jezik i književnost	60 ECTS;
- Pedagogija i psihologija	60 ECTS;
- Predškolski odgoj	60 ECTS;
- Razredna nastava	60 ECTS;
- Matematika i informatika	60 ECTS ;
- Opća kineziologija (sport i tjelesni odgoj)	60 ECTS;
- Novinarstvo	120 ECTS/60 ECTS;
- Sportski menadžment	120 ECTS/60 ECTS;
- Specijalne namjene (vojska, policija i zaštitari)	120 ECTS/60 ECTS;
- Edukacijski menadžment	120 ECTS/60 ECTS.

Drugi ciklus – postdiplomski studij završava odbranom master/magistarskog rada, nakon čega kandidat stječe zvanje master – 60 ECTS ili 120 ECTS uz dodatak naziva uže naučne oblasti/studijskog programa.



Treći ciklus – doktorski studij

Doktorski studij temeljen na istraživanju, inovacijama i akademskoj izvrsnosti namijenjen za akademsko obrazovanje studenata koji su stekli zvanje magistar/master bolonjskog ciklusa, te kandidata koji su stekli zvanje magistar nauka predbolonjskog ciklusa. Doktorski studij ima interdisciplinarni i multidisciplinarni pristup te se odvija u okviru sljedećih naučnih oblasti (polja): Kineziologija, Pedagogija, Metodike razredne nastave, Menadžment u obrazovanju, Psihologija, Matematika, Informatika, Lingvistika, Književnost). Treći ciklus – doktorski studij završava odbranom doktorske disertacije, nakon čega kandidat stječe zvanje doktor nauka – 180 ECTS uz dodatak naziva uže naučne oblasti.

Osobenosti fakulteta

Nastavni proces na Edukacijskom fakultetu, popraćen najsavremenijom nastavnom opremom, provode najugledniji i najpriznatiji bosanskohercegovački i međunarodni naučnici. Nastavu je moguće pratiti i aktivno sudjelovati u nastavnom procesu putem sistema za učenje na daljinu – Distance Learning!

Praktična nastava na Edukacijskom fakultetu odvija se u prestižnim vrtićima, osnovnim i srednjim školama, bosanskohercegovačkim i međunarodnim medijskim kućama, sportskim institucijama, trening centrima, specijaliziranim sportskim kampovima i slično!

Profesori i asistenti na Edukacijskom fakultetu dostupni su studentima za konsultacije i pomoć u radu 24 sata, tokom svih 7 dana u sedmici. Studentska služba Edukacijskog fakulteta dostupna je studentima za kontakt i informacije 24 sata, tokom 7 dana u sedmici.

Edukacijski fakultet podržava i ostvaruje posebne programe i projekte razmjene studenata i nastavnika sa domaćim i inozemnim fakultetima!

Najboljim učenicima i studentima, Edukacijski fakultet pruža posebne mogućnosti za ostvarivanje prava na popust kod regulisanja školarine i posebne mogućnosti za ostvarivanje profesionalne karijere u visokom obrazovanju!

Asocijacija studenata – ASEF aktivnim studentima Edukacijskog fakulteta pruža dodatne mogućnosti za unapređenje znanja i kompetencija iz oblasti studentskog aktivizma! Alumni asocijacija okuplja izuzetne sportiste, ugledne sportske menadžere, istaknute direktore vrtića i škola, nastavnike i profesore, istaknute novinare, istaknute vojne, policijske i zaštitarske službenike, koji svi skupa aktivno rade na dodatnom profesionalnom usavršavanju svih diplomanata i magistranata Edukacijskog fakulteta.



*Bude li Atena imala loše obučare, njezini građani će hodati bosu.
Bude li pak imala loše učitelje, Atena će propasti. Platon*

Fakultet za tehničke studije

Aleja konzula br. 5
72270 Travnik
Bosna i Hercegovina

+387 30 540 876
info@fts.ba
www.fts.ba



Fakultet za tehničke studije

Fakultet za tehničke studije od svog osnivanja 2006. godine razvija dinamičan koncept studijskih programa u oblasti tehničkih nauka sa jedinstvenim pristupom u kojem tehničke struke postaju prepoznatljive, poželjne i perspektivne.

„Opredijeljeni za izvrsnost“ moto je menadžmenta Fakulteta za tehničke studije i koncept prema kojem se Fakultet razvija i kreira nove vrijednosti. Misija Fakulteta za tehničke studije ogleda se u obrazovanju kadrova za potrebe tehničkih struka: građevine, arhitekture, grafičkog inženjstva i dizajna, sigurnosti i zaštite na radu i zaštite od požara i tekstilnog inženjstva i dizajna, koji će biti kompetentni i konkurentni na tržištu rada za preuzimanje uloga koje se od njih kao budućih inženjera, zavisno od stepena akademskog zvanja i očekuju.



Fakultet za tehničke studije svoj razvoj zasniva na obrazovnim alatima koji su baza i osnova za uspješnost u ostvarivanju vrhunskih rezultata, a to su: 1. teorijska znanja; 2. procesi edukacije; 3. praktična znanja. U takvom sistemu, koji je međusobno povezan i uslovljen, Fakultet za tehničke studije postaje centar za obrazovanje stručnog i naučnog kadra u oblasti tehničkih nauka sa praktičnim iskustvima i primjerima dobre prakse kroz naučnostručni i istraživački rad.

Studentima Fakulteta za tehničke studije pruža se mogućnost da se tokom studija odluče i za rad u okviru odabrane struke ili da se tokom školovanja usmjeravaju za angažman u akademskoj zajednici Fakulteta. Zahvaljujući razvijenom konceptu vlastitih stručnih pogona sa obezbjeđenim tržištem za plasman krajnjeg proizvoda, Fakultet studentima može ponuditi uposlenje, stipendiranje ili neki drugi oblik saradnje koji će biti na obostrano zadovoljstvo. Ovo je jedinstven koncept koji Fakultet za tehničke studije izdvaja od drugih, a studentima garantuje uspješnu budućnost.



Organizacija studija

Od svog osnivanja Fakultet primjenjuje standarde Bolonjskog procesa i prema Bolonjskoj deklaraciji nastoji dostići postavljene ciljeve. Studij se organizira na sva tri ciklusa: dodiplomski, diplomski/master i doktorski studij.

I ciklus (dodiplomski) traje tri (3) ili četiri (4) godine i vrednuje se sa 180 ili 240 ECTS studijskih bodova. Završetkom I ciklusa stječe se akademska titula odnosno stručno zvanje bachelor/inžinjer za određenu oblast koje se izučavaju na Fakultetu.

II ciklus studija (diplomski/master) traje jednu (1) ili dvije (2) godine, što zavisi od prethodno završenog I ciklusa. Završetkom II ciklusa studenti stječu akademsku titulu i zvanje magistar/master – diplomirani inžinjer za određenu oblast, zavisno od odabranog studijskog smjera.

Ukupan broj ECTS bodova potreban za stjecanje zvanja mastera/diplomiranog inženjera je 300 ECTS bodova. III ciklus (doktorski studij) se organizira za sve oblasti u području tehničkih nauka koje se izučavaju na I i II ciklusu.

Doktorski studij traje tri (3) godine, a vrednuje se sa ukupno 180 ECTS bodova. Fakultet nudi studentima sva tri ciklusa i različite modele koji svakog studenta tretiraju individualno i stavljaju u „centar pažnje“ sa svim njegovim osobnostima koje donosi sa sobom, prilikom upisa.

Studijski programi:

- Arhitektura (3+2+3) (4+1+3);
- Građevina (3+2+3) (4+1+3);
- Grafičko inženjerstvo i dizajn (3+2+3) (4+1+3);
- Inženjerska informatika (3+2+3) (4+1+3);
- Sigurnost i zaštita na radu i zaštita od požara (3+2+3) (4+1+3);
- Tekstilno inženjerstvo i dizajn (3+2+3) (4+1+3).




Osobnosti fakulteta

Akademsku zajednicu Fakulteta čine ugledni profesori sa respektabilnom akademskom biografijom i ostvarenom karijerom u prostoru visokog obrazovanja u Bosni i Hercegovini, Evropi i svijetu. Vrijednost akademske zajednice ogleda se kroz ulaganje u mladi kadar, njegovu edukaciju, školovanje i praktični rad sa ciljem usavršavanja i razvijanja u pravcu željenog stanja u kojem je kvalitet uslov, a izvrsnost prestiž.

Nastavni proces na Fakultetu za tehničke studije odvija se kroz tri nivoa. Prvi nivo su teorijska znanja koja se stječu u savremeno opremljenim kabinetima i učionicama, multimedijalnim salama i amfiteatrima.

Drugi nivo je stručna edukacija kroz edukativni centar koji se sastoji od informatičkih kabineta, ateljea i stručnih radionica zavisno od studijskog programa. I treći nivo su stručna znanja koja studenti stječu kroz stručne pogone u kojima kroz individualni, praktični rad i samostalnu vježbu stječu vještine i kompetencije koje su osnova za radno samopouzdanje i konkurentnost na tržištu rada. Nastava je interaktivnog karaktera i izvodi se po najsavremenijim metodama.



Fakultet za tehničke studije na ukupno 5000 m² kvalitetnog i reprezentativnog prostora premašuje evropske i svjetske standarde, u području visokog obrazovanja.

Fakultet posjeduje studentski online servis (Studentski informativni servis), online biblioteku, studentsku organizaciju i sve prateće servise koji su na usluzi studentima. Fakultet je organizator konferencija i simpozija u području studijskih programa i daje podršku učešću profesorima i studentima u naučnoistraživačkom radu i prezentaciji radova na seminarima, simpozijima i konferencijama.

Studenti Fakulteta za tehničke studije uređuju časopis GrafX koji prezentuje rad studenata na reprezentativan način, a Fakultet je izdavač naučnostručnog časopisa Techno Science.



*Tehnička znanja su znanja budućnosti, i zato,
u svoju budućnost, zakoračite zajedno sa nama!*

Farmaceutsko-zdravstveni fakultet

Polje Slavka Gavrančića 17C
72270 Travnik
Bosna i Hercegovina

+387 30 515 770
info@fzf.edu.ba
www.fzf.edu.ba



Farmaceutsko-zdravstveni fakultet

Farmaceutsko-zdravstveni fakultet je počeo sa radom 2009. godine. Koncept studija je utemeljen na Bolonjskoj deklaraciji, po European Credit Transfer System (ECTS).

Misija Farmaceutsko-zdravstvenog fakulteta usmjerena je na edukaciju budućih medicinskih radnika, nastavnika i znanstvenika.

Fakultet potječe i provodi znanstvena istraživanja s ciljem postizanja izvrsnosti u obrazovanju i istraživanju iz područja farmacije, stomatologije, radiologije, sestrinstva i zdravstva općenito, a temelji se na savremenim postupcima podučavanja, humanosti i strogim etičkim načelima.



Organizacija studija

Integrirani studij – I+II ciklus:

- Farmacija (5+0);
- Stomatologija (5+0).

Studiji biomedicinske grupacije tradicionalno se, u evropskim zemljama, provode kao integrirani studiji u kojih su dodiplomski i diplomski studij objedinjeni u cjelinu. Razloga je tome više, a najvažniji je sadržan u iskustvenoj spoznaji da studij stomatologije i farmacije zahtijeva sveobuhvatnost znanja iz različitih oblasti. Na taj način je moguće najbolje udovoljiti zakonitostima struke, osiguravajući i ističući značenje integrirane holističke brige o pacijentima. Završetkom ovih studija stječu se zvanja: doktor stomatologije (dr. stom) i magistar farmacije (mr. ph) sa ostvarenih 300 ECTS bodova, s obzirom da studij traje 5 godina.

Dodiplomski studij – I ciklus:

- Radiologija (3+2) i (4+1);
- Sestrinstvo (3+2) i (4+1);
- Fizioterapija (4+1);
- Medicinsko laboratorijska dijagnostika (4+1).

Nakon završenog prvog (I) ciklusa studenti stječu (u zavisnosti od studijskog programa za koji su se opredijelili) sljedeća zvanja: bachelor medicinskog sestrinstva (180 ECTS), bachelor zdravstvene njege i terapije (240 ECTS), bachelor medicinske radiologije/ inženjer medicinske radiologije (180 ECTS), bachelor radioloških tehnologija (240 ECTS) bachelor fizioterapije (240 ECTS), bachelor medicinsko laboratorijske dijagnostike (240 ECTS).



Magistarski – II ciklus studija – u trajanju je od 1 ili 2 godine, u ovisnosti koliko je trajao I ciklus i vodi do zvanja magistra iz oblasti koju je student studirao sa ostvarenih 60, odnosno 120 ECTS bodova.

Doktorski studij – III ciklus studija – Biomedicina i zdravstvo – po završetku II ciklusa ili integriranih studija student ima mogućnost upisa na doktorski studij.

Studij je organizovan u trajanju od 3 godine, na način da je prva godina opća za sve, a u drugoj godini student bira jedan od ponuđenih modula: Stomatologija, Farmacija, Klinička medicina, Javno zdravstvo, Biomedicina i Zdravstvo dok je treća godina rezervisana za izradu doktorske disertacije. Studij je vrednovan sa ukupno 180 ECTS bodova.

Načini studiranja: redovno, vanredno, na daljinu odnosno kombinacijom ova tri načina, s tim da je, zbog specifičnosti studija, integrisane studije moguće studirati samo redovno.



Nastava na Farmaceutsko-zdravstvenom fakultetu je interaktivnog karaktera, a izvode je nastavnici sa akademskim stepenom doktora nauka u zvanjima docent, vanredni i redovni profesor.

Predavanja i većina vježbi se održavaju u vlastitom, savremeno opremljenom prostoru, a za ostatak je uspostavljena saradnja sa privatnim i državnim bolnicama, apotekama, eminentnim farmaceutskim firmama.

Cilj je da student koji završi ovaj Fakultet bude spreman da izađe potpuno spreman na tržište rada.

Osobenosti fakulteta

Fakultet posjeduje vlastiti Institut za biomedicinska istraživanja i dijagnostiku, odjele za radiologiju i stomatologiju, savremene učionice, informatički kabinet, kabinet za anatomiju, mikroskopske sale kao i laboratorije za moderno (up-to-date) učenje i istraživanje. Odjel za radiologiju je opremljen magnetnom razonancem (MRI), kompjuterizovanom tomografijom (CT), denzitometrom, mamografom i ultrazvucima. U moderno opremljenom Institutu se obavljaju mnogobrojne sofisticirane analize i ispitivanja. Fakultet je uspostavio potpuno opremljen stomatološki odjel, počevši od pretklinike (moderno opremljena pretklinička sala sa mogućnošću obavljanja svih vježbi u stomatologiji) do klinički opremljenih sala i ordinacija za različite grane stomatologije (oralna hirurgija, pedodoncija, ortodoncija i dr) te opremljeni protetički odjel sa najsavremenijom opremom uključujući CAD-CAM kabinet kao posljednje dostignuće u oblasti dentalne protetike.



Nakon završetka studija studenti stječu teorijsko i praktično znanje potrebno da se nose sa savremenim zahtjevima tržišta rada, a najboljem studentu nudimo zaposlenje na Farmaceutsko-zdravstvenom fakultetu.

Kvalitetna edukacija na jednom od vodećih fakulteta, iz oblasti zdravstva, garant je uspjeha i sistemski potječe buduće i sadašnje medicinske radnike na cjeloživotno obrazovanje i na stvaranje i primjenu medicine temeljene na dokazima.

Opće informacije za studente

Postupak upisa

Upis kandidata se vrši na osnovu procedura koje propisuje nadležno Ministarstvo obrazovanja i Univerzitet u Travniku. Pri upisu, uzimaju se u obzir rezultati ostvareni u prethodnom školovanju. Upis na akademski program Univerziteta i njegovih članica je vrlo jasan u pogledu kriterija i vrši se na osnovu postignutog uspjeha u srednjoj školi, kao i prijemnog ispita, ukoliko ga Fakultet organizuje. Fakulteti će svake školske godine regulisati način prijema studenata u smislu organizacije prijemnog ispita. S obzirom na različitost nastavnih planova i programa, utvrdit će se dinamika i procedura upisa za svaku Organizacionu jedinicu posebno. Univerzitet ima odobrenje za izvođenje nastave na službenom jeziku Bosne i Hercegovine, turskom i engleskom jeziku.

Način studiranja

Načini studiranja: redovno, vanredno, na daljinu, odnosno kombinacijom ova tri načina, s tim da je, zbog specifičnosti studija, integralne studije moguće studirati samo redovno.

Akademski kalendar

Akademski godina je podjeljena na zimski i ljetni semestar. Nastava praćena različitim oblicima kontinuirane provjere znanja u toku semestra traje 15 sedmica. Predavanja u zimskom semestru počinju u prvoj sedmici mjeseca oktobra i traju do sredine januara (zimski semestar). Kraj mjeseca januara i polovina mjeseca februara u zimskom semestru predviđeni su za ispitne aktivnosti.

Ljetni semestar počinje početkom mjeseca marta i nastavne aktivnosti traju do sredine juna. Preostalo vrijeme je predviđeno za ispitne aktivnosti, ferijalnu, metodičku i pedagošku praksu.

Ispitni rokovi i procedure su utvrđeni Pravilima studiranja za svaki ciklus. Akademski kalendar predviđa sve aktivnosti koje se planiraju u školskoj godini kao i sve praznike na nivou države.

Informacije o zemlji i gradu

Bosna i Hercegovina kao teritorijalna i administrativna zajednica dvaju entiteta, Federacije Bosne i Hercegovine i Republike Srpske, te Distrikta Brčko nalazi se na putu evropskih integracija, odnosno pridruživanju zajednici evropskih naroda – Evropskoj uniji.

Travnik je grad u centralnoj Bosni udaljen 90 km zapadno od Sarajeva na nadmorskoj visini 514m. Glavni grad je i administrativno sjedište Srednjobosanskog kantona. Grad Travnik ima oko 30.000 stanovnika. U Travniku su smještene tri fakulteta. Edukacijski fakultet i Fakultet za tehničke studije na adresi Aleja Konzula br. 5 i nalaze se u centru grada. Farmaceutsko-zdravstveni fakultet smješten je na adresi Slavka Gavrančića 17 c u naselju Dolac, u neposrednoj blizini centra grada. Drugi lokalitet na kojem su smješteni Fakultet za menadžment i poslovnu ekonomiju i Pravni fakultet je Azapovići-Kiseljak na adresi Azapovići 439. koji se nalazi u neposrednoj blizini Sarajeva. Travnik ima bogatu kulturno-historijsku baštinu i predstavlja riznicu historijskih spomenika, kulturnih građevina i historijskih ličnosti po kojima je Travnik i Srednjobosanski kanton postao poznat.

Lokacija	Jugoistočna Evropa. Graniči sa Hrvatskom, Srbijom i Crnom Gorom. Granice na zemlji: 1.459 km, obala: 20 km. Geografske koordinate: 44° 00" N, 18° 00"E.
Geografska površina	51.129 km ² .
Klima	Topla ljeta i hladne zime, područja visoke evaluacije imaju kratka prohladna ljeta i duge, oštre zime. Blage, kišovite zime duž obale.
Struktura stanovništva po nacionalnosti	Prema popisu stanovništva iz 1991. godine u Bosni i Hercegovini je živjelo 4,4 miliona stanovnika, i to: 43,7% Bošnjaka, 31% Srba, 17,3% Hrvata i 7,6% ost.
Jezici	Bosanski, hrvatski, srpski.
Tip vladavine	Državno uređenje definirano međunarodnim sporazumom iz Daytonu 1995. god.
Administrativno uređenje	Dva entiteta – Federacija BiH i Republika Srpska, te oblast pod međunarodnom supervizijom – Distrikt Brčko.
Glavni grad	Sarajevo.
Glavni aerodromi	Sarajevo, Banja Luka, Tuzla, Mostar.
Valuta	Konvertibilna marka (KM).
Šifra valute	BAM.
Kurs valute u odnosu na euro	1€ = 1,955593 KM.



Travnik



Sarajevo

Životni standard

Prosječni mjesečni troškovi života u Travniku iznose od 500,00 do 600,00 KM.

Naveden iznos podrazumjeva:

- smještaj 150,00 - 200,00 KM,
- ostali troškovi stanovanja 100,00 KM - 150,00 KM,
- troškovi hrane 200,00 - 250,00 KM,
- ostali troškovi 50,00 - 100,00 KM.

Studentski standard

Nivo studentskog standarda na Organizacionim jedinicama Univerziteta u Travniku modeliran je po ugledu na evropske univerzitete i usklađen sa potrebama studenata. Moderno opremljeni prostori, sa svim potrebnim nastavnim pomagala, studenatima omogućavaju ugodan boravak i stvaraju potrebu za ispoljavanjem unutrašnje kreativnosti i energije.

Studentske biblioteke sa čitaonicama, restorani, prostorije studentskih organizacija i dostupnost svih učila i pomagala su standard koji je dostupan studentima tokom boravka na Fakultetima Univerziteta.

Dostupnost studentskih servisa i službi su posebne pogodnosti koje studentski standard podižu na zavidan nivo i predstavljaju prestiž koji zajednicu Univerziteta u Travniku čini kvalitetnim i poželjnim mjestom za studiranje budućih generacija mladih ljudi.



Univerzitetski restoran



Univerzitetska biblioteka



Univerzitetni restoran



Univerzitetna biblioteka



Univerzitetni restoran



Univerzitetna biblioteka



Univerzitetni restoran



Univerzitetna biblioteka

Značenje izraza

Akademsko osoblje su lica koja učestvuju u nastavnom procesu ili su angažirana u naučnonastavnom, umjetničkom ili umjetničkonastavnom radu na akreditiranoj i licenciranoj visokoškolskoj ustanovi i koja su izabrana u akademska zvanja.

Akreditacija je formalna potvrda (rješenje) o ispunjenosti kriterija za akreditaciju koje propisuje Agencija za razvoj visokog obrazovanja i osiguranje kvaliteta.

Ciklusi studija su nivoi, odnosno gradirane cjeline Bolonjskog visokoobrazovnog procesa, identificirane kao prvi ciklus – dodiplomski (baccalaureate), drugi ciklus – magistarski studij te treći ciklus – doktorski studij.

Diploma koju izdaje visokoškolska akreditirana ili licencirana ustanova je javna isprava kojom se dokazuje da je stečena kvalifikacija rezultat uspješno završenog ciklusa studija zasnovanog na osnovnom modelu utvrđenom za jedinstven evropski prostor visokog obrazovanja.

ECTS (EUROPEAN CREDIT TRANSFER SYSTEM; Evropski kreditni prijenosni sistem; u daljnjem tekstu: ECTS) jeste evropski sistem prijenosa studijskih bodova–kredita. Studijski bodovi – krediti se koriste za definiranje obima i zahtjevnosti svakog predmeta, a određuju se na bazi optimalnog radnog opterećenja studenta neophodnog za savladavanje svakog predmeta pojedinačno.

Evaluacija (ocjena) kvaliteta akreditirane i licencirane visokoškolske ustanove je postupak formalnog ocjenjivanja i utvrđivanja dostignutog stepena kvaliteta procesa i procedura koji se odvijaju na akreditiranoj i licenciranoj visokoškolskoj ustanovi.

Licenciranje je proces provjere ispunjenosti standarda i normativa za osnivanje i rad visokoškolske ustanove radi dodjele dozvole (licence) za obavljanje djelatnosti visokog obrazovanja.

Nastavni plan i program (curriculum) je dokument kojim se uspostavlja profil kompetentnosti akademskog osoblja, sadržaj i struktura studijskih programa i postupak provjere znanja.

Organizaciona jedinica ili Fakultet je sastavnica integriranog univerziteta koja nema svojstvo pravnog lica.

Predstavničko tijelo studenata je izorno predstavničko tijelo koje zastupa i artikulira interese studenata te daje doprinos ostvarenju naučnih, kulturnih, akademskih i ostalih društveno- korisnih potreba studenata, a na osnovu demokratskih principa i u skladu sa zakonom.

Samoevaluacija ili interna evaluacija je procjena, periodična kontrola i dokumentovanje vlastitih parametara kvaliteta, studijskih programa, menadžmenta, naučnoistraživačkog rada itd., koje provodi visokoškolska ustanova ili njezin dio.

Student je lice upisano u akreditiranu i licenciranu visokoškolsku ustanovu koje studij pohađa redovno, vanredno, učenjem na daljinu ili kombiniranjem ovih triju modela studiranja na način utvrđen statutom visokoškolske ustanove.

Studentska asocijacija je samostalna organizacija studenata putem koje studenti ostvaruju svoje programske aktivnosti.

Studentski parlament je predstavničko tijelo studenata formirano na Univerzitetu i sastavljeno od predstavnika studenata po Organizacionim jedinicama (Fakultetima).

Studijski program je nastavni plan i program koji pokriva jednu naučnu oblast ili više naučnih oblasti, a čija realizacija kroz nastavno–naučni / umjetnički proces vodi do jednog od triju akademskih stepena u skladu s Bolonjskom deklaracijom. Konačnu odluku o usvajanju studijskog programa donosi Senat visokoškolske ustanove.

Syllabus je značenje za kratak sadržaj nastavnog plana i programa nastavnih predmeta.

Visokoškolska ustanova je ustanova koja se bavi djelatnošću visokog obrazovanja u skladu sa zakonom.

Visoko obrazovanje je obrazovanje koje se realizira na visokoškolskoj ustanovi nakon završetka četverogodišnjeg srednjoškolskog obrazovanja i koje vodi do nastavnim programom predviđene akademske titule, odnosno stručnog ili naučnog zvanja, u skladu sa zakonom i drugim propisima.

Univerzitet u Travniku je mjesto akademske budućnosti u kojem je kvalitet osiguran kontinuiranim ulaganjem u resurse koji studentima pružaju vrhunske uslove za studiranje i podstiču razvoj njihove akademske karijere.

www.unt.ba

Univerzitet u Travniku

Aleja konzula br. 5
72270 Travnik
Bosna i Hercegovina

+387 30 541 062
unt@fmpe.edu.ba
www.unt.ba

